

# COV LUS NUG & COV LUS TEB

HAIS TXOG TSHUAJ TIV THAIV KAB MOB COVID-19 RAU ME NYUAM YAUS



## Kuv tus me nyuam puas tuaj yeem txhaj tshuaj tiv thaiv kab mob COVID-19?

**TAU** — Cov me nyuam yaus uas muaj hnuv nyoog txij li 6 hli rov sauv tau tso cai txhaj tshuaj tiv thaiv kab mob. Lub sij hawm thiab tus naj npawb ntawm koob tshuaj yuav nyob ntawm thaum twg koj tus menyuam tau txhaj tshuaj tiv thaiv COVID-19 zaum kawg thiab lawv twb tau txhaj pes tsawg koob lawm.

Ib yam li tshuaj tiv thaiv khaub thuas tau hloov kho kom tiv thaiv peb ntawm tus kab mob khaub thuas uas kis ntau tshaj plaws, cov tshuaj tiv thaiv COVID-19 kuj tau hloov kho los pab tiv thaiv cov kab mob tshiab.



## Kuv tus me nyuam lub hnuv yug yuav txog sai-sai no, kuv puas yuav tsum tos kom txog thaum ntawd mam coj lawv mus txhaj tshuaj?

**TSIS TAU** — Cov tshuaj tiv thaiv COVID-19 yog muab raws li hnuv nyoog, txhais tau hais tias koob tshuaj lawv tau txhaj rau lawv thaum muaj hnuv nyoog pes tsawg thaum lub sij hawm txhaj tshuaj.

Koj tus me nyuam tus kws kho mob yuav saib xyuas kom lawv tau koob tshuaj kom raug rau lawv lub hnuv nyoog.



## Kuv tus me nyuam tuaj yeem mus txhaj tshuaj tiv thaiv COVID-19 qhov twg?

**Ntawm lawv tus kws kho mob ib txwm mus saib los sis tsev kho mob me nyuam yaus!** Nug txog qhov kev pab caum Tshuaj Tiv Thaiv Rau Me Nyuam Yaus (Vaccines for Children) kom paub seb koj tus me nyuam puas tuaj yeem tau txhaj tshuaj yam tsis tau them nqi los sis them me ntsis xwb!

Cov chaw muag tshuaj kuj tuaj yeem txhaj tshuaj tiv thaiv khaub thuas thiab COVID-19 rau cov me nyuam muaj 3 xyos thiab laus dua.



## Puas muaj ib lub tuam txhab tsim tshuaj tiv thaiv twg zoo dua lwm lub?

**TSIS MUAJ** — Cov tshuaj tiv thaiv Pfizer thiab Moderna tau raug pov thawj tias muaj kev nyab xeeb thiab siv tau zoo rau cov me nyuam muaj 6 hlis thiab laus dua. Tshuaj tiv thaiv Novavax kuj muaj rau cov me nyuam muaj 12 xyos thiab laus dua.



## Puas tuaj yeem txhaj lwm yam tshuaj tiv thaiv uas tsis yog COVID rau me nyuam tib hnuv?

**TAU** — Cov me nyuam yaus thiab lwm tus yuav tsum tau txhaj ntau dua ib hom tshuaj tiv thaiv tib lub sij hawm yog tias lawv xav tau!



# COV LUS NUG & COV LUS TEB

## HAIS TXOG TSHUAJ TIV THAIV KAB MOB COVID-19

### RAU ME NYUAM YAUS

**Cov me nyuam tsis tsim nyog tuag los ntawm COVID-19 ntau npaum li cov neeg laus.**

#### ? **Vim li cas kuv tus me nyuam thiaj xav tau tshuaj tiv thaiv kab mob COVID-19?**

Muaj me nyuam coob, tshwj xeeb tshaj yog cov muaj hnuv nyooq qis dua 5 xyos, tau raug coj mus pw hauv tsev kho mob vim muaj kab mob COVID-19 — txawm yog cov me nyuam uas tsis muaj mob lwm yam los xij. Feem ntau ntawm cov me nyuam no uas tau pw hauv tsev kho mob yog tsis tau txhaj tshuaj tiv thaiv. Thiab, txawm tias tus nqi kev tuag ntawm cov me nyuam yaus qis dua li cov neeg laus los xij, tus nqi kev tuag tseem yog ib qho teeb meem. COVID-19 ua rau muaj kev tuag ntawm me nyuam yaus ntau dua lwm yam kab mob uas tiv thaiv tau los ntawm tshuaj tiv thaiv txhua xyoo.



#### ? **Tshuaj tiv thaiv COVID-19 muaj kev phiv dab tsi?**

Cov kev phiv tshwm sim feem ntau yuav muaj xws li mob caj npab, mob taub hau, kub cev, thiab/los yog qaug zog. Cov no feem ntau tsis kav ntev thiab tsis hnyav los sis txaus ntshai.

Cov kev phiv yog cov cim qhia tias cov tshuaj tiv thaiv tab tom ua hauj lwm los txhawb lub cev tiv thaiv kab mob (yog tias koj lossis koj tus me nyuam tsis muaj kev phiv, cov tshuaj tiv thaiv tseem ua hauj lwm!).

Cov kev phiv hnyav dua yog tshwm sim tsawg heev thiab tsawg dua li cov teeb meem uas tuaj yeem tshwm sim los ntawm kev kis kab mob COVID-19.

#### ? **Yuav ua li cas yog tias kuv tus me nyuam twb tau kis kab mob COVID-19 lawm?**

Lawv yuav tsum tau txhaj tshuaj tiv thaiv vim lawv tuaj yeem kis COVID ntau dua ib zaug! Kev txhaj tshuaj tiv thaiv yuav pab tiv thaiv lawv tiv thaiv cov kab mob tshiab thiab kuj tuaj yeem tiv thaiv kev mob hnyav. Tshawb nrog koj tus me nyuam tus kws kho mob kom paub seb koj tus me nyuam yuav tsum tos ntev npaum li cas tom qab tau kis COVID-19 mam li mus txhaj tshuaj. wait after having COVID-19 to get vaccinated.

#### ? **Kuv tus me nyuam puas muaj feem yuav mob plawv (myocarditis) tom qab txhaj tshuaj tiv thaiv?**

**Qhov no tsis tshua muaj, tshwm sim. Qhov kev pheej hmoo ntawm kev mob plawv (myocarditis) yog ntau dua los ntawm kev kis kab mob COVID-19 dua li los.** Cov tshuaj tiv thaiv COVID-19. Kev mob plawv los ntawm tshuaj tiv thaiv yog mob me dua, yuav luag txhua tus neeg uas raug mob rov zoo tag nrho thiab feem ntau nws tsis kav ntev.